



Մ Ա Յ Ր Հ Ա Յ Ր Ե Ն Ի Գ Ո Ւ Մ

Լ Ո Ւ Ր Ե Ր Մ Ա Յ Ր Հ Ա Յ Ր Ե Ն Ի Գ Ո Ւ Ց

Աղվանից աշխարհի գրականության մասին.— Մ. Մաշտոցի անվան Մատենադարանը լույս է ընծայել պատմական գիտությունների դոկտոր Ասատուր Մնացականյանի հետաքրքիր աշխատությունը՝ Ավիրված Աղվանից աշխարհի գրականությանը:

Հեղինակը հանգամանորեն ուսումնասիրել է 5—13-րդ դարերի հայկական գրական հուշարձանները Արցախում, Ուտիքում և Գարդմանում: Առանձին տեղ է հատկացրել Ռին Հայաստանի արևելյան մարզերը Աղվանից հետ բռնի կերպով միացնելու պատմությանը և մատնանշում է, որ չնայած սղո միացմանը հայերն այդ մարզերում կազմել են բնակչության գրեթե կեսը և հայոց լեզուն հետագայում դարձել է պետական լեզու ամբողջ Աղվանքում: Աղվանից աշխարհի բնակչությունը բաղկացած էր 26 տարբեր ցեղերից, մինչդեռ հայերը էթնիկապես միատարր էին:

Ա. Մնացականյանը մանրամասնորեն վերլուծել է գրական տարբեր հուշարձաններն ու փաստաթղթերը, ինչպես նաև պատմա-գեղարվեստական առանձին ստեղծագործությունները, որոնք պատկանել են 7-րդ դարի բանաստեղծ Դավթակ Քերթողին, Մովսես Կաղանկատվացուն, Աղվանից թագավոր և բանաստեղծ Համամ Արեւելուն և ուրիշներին: Միաժամանակ հեղինակը աչքաթող չի արել նաև բուն Աղվանից դպրությունը:

Թվատիճցու անվամբ.— Հայաստանի Միհիստրների սովետի որոշմամբ Նոր Խարբերտ ավանի միջնակարգ դպրոցը կոչված է արևմտահայ նշանավոր գրող և մանկավարժ Թվատիճցու (Հովհաննես Հարությունյան) անվամբ, ի հավերժացումն գրողի հիշատակի:

Ռ. Պատկանյանի երկերի հրատարակությունը.— Հայաստանի Գիտությունների ակադեմիայի հրատա-

րակչությունը գրեթե միաժամանակ լույս ընծայեց Ռաֆայել Պատկանյանի երկերի 3-րդ և 4-րդ հատորները: Հեղինակի սույոր երկերը հրատարակվելու են ութ հատորով:

3-րդ հատորի մեջ զետեղված են հեղինակի թատերական գործերը, իսկ 4-րդ հատորը ընդգրկում է Ռ. Պատկանյանի երգիծական պատմվածքները՝ գրված Նոր Նախիջևանի բարբառով, որոնք վերցված են հեղինակի ծննդավայրի կյանքից:

Բարեկարգումներ Վահագնավանքում.— Ղափանի շրջանում է գտնվում պատմական Վահագնավանքը, որը կառուցվել է 10-րդ դարում Բագրատունյաց Կագիկ թագավորի որդի Վահանի կողմից: Վանքը ներկայացնում է հուշարձանների մի խումբ: Սյունիքի միջնադարյան պատմության ուսումնասիրության համար հուշարձանների այս խումբը մեծ արժեք է ներկայացնում:

Պատմական հուշարձանների պահպանության հանրապետական ընկերությունը և Հայաստանի Գիտությունների ակադեմիայի հնագիտության ինստիտուտը ձեռնամուխ են եղել Վահագնավանքի քարակարգմանը և մասնակի պեղումներին: Հայտնաբերվել են ջնարակած խեցեղեն արձանագործություններ հատկապես Տաճարի մուտքի մոտ գտնվող կոթողի վրա, որոնք վկայում են, որ այդ կոթողը կառուցել է Ծափանդուխտ թագուհին ի հիշատակ Գրիգոր թագավորի:

Նոր հայտնաբերումներ Արին-բերդում.— Հնագիտության ինստիտուտը այս ամառ շարունակում է պեղման աշխատանքները Արին-բերդում: Հայտնաբերվել են նոր նյութեր ուրարտական էրիթունի քաղաք-ամրոցի վերաբերյալ: Այդ նյութերը շատ բան են ավելացնում այն ամենին, ինչ հույտնի է եղել մինչև այժմ Արին-բերդի վերաբերյալ:

Հայտնաբերված նյութերի թվումն են Արգիշտի 1-ի և նրա որդի Սադուրի սևագիր արձանագրությունները, որոնք գրեթե անաղարտ են մնացել: Արձանագրությունները վերաբերում են Էրիբունիի պալատի կառուցման և քաղաքի տնտեսական կյանքին:

Առանձին հետաքրքրություն է ներկայացնում պալատի մեծ դահլիճը, որի մակերեսը կազմում է 440 քառ. մետր, թեպետ այն դեռևս լրիվ չի մաքրված հողից: Դահլիճը եղել է պլանագրադ և ամբողջովին նկարագրված: Նկարները գրեթե չեն խուճացել: Բերդի այլ մասերում ևս հայտնաբերվել են որմնանկարների պատահիկներ: Որմնանկարները իրենց բովանդակությամբ տարբերվում են մինչ այժմ հայտնաբերվածներից:

Պեղումների ժամանակ գտնվել է եգիպտական Բես աստուծո փոքրիկ քանդակը, որը եգիպտական ծագումի միակ առարկան է հայտնաբերված Արին-բերդում և անշուշտ վկայում է երկու երկրների կապերի մասին:

Պեղումներ Իջևանի շրջանում.— Գիտությունների ակադեմիայի հնագիտության ինստիտուտի ավագ գիտական աշխատող Ս. Եսայանը այս ամսու հետաքրքիր պեղումներ է կատարել Իջևանի շրջանի Ենոքավան գյուղի մոտ գտնվող Ասողաքլուրի շրջակայքում: Հայտնաբերված է ցիլյոպյան ամրոց և գերեզմանատուն: Պեղված են 25 դամբարաններ, որոնք պատկանում են նախաքրիստոնեական շրջանին (10—15-րդ դդ.):

Դամբարաններում հայտնաբերված են մուրք աշխատված բրոնզյա զարդեր և իրեր, հետաքրքիր ձևի և չափերի խեցեղեն անոթներ, երկաթյա դաշույններ՝ բրոնզյա բռնակներով և այլ իրեր: Ցիլյոպյան ամրոցի սեյակներից մեկում հայտնաբերված է երկհարկանի տան կավե մոդել՝ երկկողմանի տանիքով: Այս մոդելը մեծ հետաքրքրություն է ներկայացնում:

Հայտնաբերված առարկաները մոր լույս են սփռում Հայաստանի հնագույն պատմության հատկապես հարևան երկրների հետ ունեցած մշակութային կապերի վրա:

Հակոբ Մեղապարտի անվամբ.— Հայաստանի Միհստրների սովետի որոշմամբ Երևանի ամենախոշոր և ամենաքարեկարգ տպարանը կոչված է Հակոբ Մեղապարտի անվամբ՝ ի հավերժացումն հայ տպագրության: Ինչպես հայտնի է, Հակոբ Մեղապարտը 1512 թվականին Վենետիկում լույս ընծայեց առաջին հինգ հայերեն գրքերը:

Տպարանի շենքի սուաջ դրվելու է Հակոբ Մեղապարտի արձանը:

Հետաքրքիր թվեր.— 1966 թվականի հուլիսի 1-ի դրությամբ, Երևանի բնակչության ընդհանուր թիվը կազմում էր 668079 մարդ:

Մայրաքաղաքի հանրակրթական դպրոցներում սովորում են 141 հազար աշակերտ: Երևանում գործում են 11 բարձրագույն ուսումնական հաստատություններ, շուրջ 89 հազար ուսանողներով: 20 միջ-

նակարգ մասնագիտական դպրոցներում սովորում են 19864 աշակերտ:

Քաղաքի 86 գիտահետազոտական ինստիտուտներում աշխատում են 4242 գիտնականներ, որոնցից 108-ը գիտության դոկտորներ են և 817-ը՝ գիտությունների թեկնածուներ:

Երևանի փողոցները.— Հայաստանի մայրաքաղաքը ներկայիս ունի ավելի քան 900 փողոց և պողոտա: Դրանց ընդհանուր երկարությունը հասնում է շուրջ 100 կիլոմետրի: Դա տասն անգամ ավելի է, քան 40 տարի առաջ: 1926 թվականին Երևանի փողոցների ընդհանուր երկարությունը հավասար էր մոտ հարյուր կիլոմետրի:

Երկրաբանական մոր հաստատություն.— Հայաստանի գիտությունների ակադեմիայի երկրաբանական գիտությունների ինստիտուտին կից ստեղծված է մարմարի և գազի երկրաբանության առանձին բաժին: Այդ բաժինը ստեղծված է հատկապես այն նպատակով, որպեսզի ավելի գործոն և արդյունավետ դառնա մարմարի և գազի երկրաբանական որոնումները և պատրաստվեն որակյալ մասնագետներ այդ աշխատանքների համար:

«Արմենիա» հյուրանոցի մոր հատվածը.— Ավարտվում են «Արմենիա» հյուրանոցի մոր հատվածի շինարարական աշխատանքները: Այս հատվածը հյուրանոցի ընդհանուր շենքի երրորդ մասն է մույնպես յոթ հարկանի և նախկինում է դեպի Օհանյան փողոցը: Այն ունի 85 հարմարավետ սենյակներ՝ տաք և պաշտպանված ջրով: Ծեցքի 7-րդ հարկում կա բացօթյա արձարան: Հյուրանոցի ամբողջ կահույքը պատրաստված է Երևանում:

Եկող տարվա սկզբից կսկսվի հյուրանոցի 4-րդ հատվածի կառուցումը, որն ամենամեծ հատվածն է լինելու:

Նոր գործարաններ.— Հայաստանում կառուցվում են պահածոների մի քանի մոր գործարաններ: Ծուտով կավարտվի Մասիսի (Ուլուխանլու) պտղաբանաշարեղենի պահածոների խոշոր գործարանը, որը տարեկան կտա 20 միլիոն տոնի արտադրանք:

Պահածոների գործարան է կառուցվում Թալինի շրջանի Կարմրաշեն գյուղում: Այս գյուղը, որը հիմնվել է նախկին ամայի դուրում, այժմ զբաղվում է պղնձգործությամբ ու բանջարաբուծությամբ, գործարանը պետք է վերամշակի ինչպես Կարմրաշենի, այնպես էլ մյուս գյուղերի գյուղատնտեսական մթերքները:

Պահածոների գործարաններ են կառուցվում Գորիսում, Արտաշատի և Նոյեմբերյանի շրջաններում:

Հրազդանի ջերմաէլեկտրակայանը.— Հայաստանում կառուցվող 4 հզոր ջերմային էլեկտրակայանների թվին է պատկանում Հրազդանի (Ախտալի) ջերմաէլեկտրակայանը, որը ապագա արդյունաբերական քաղաքի առաջնեկներից մեկն է: Այն կառուցվում է նախկին Ռեդամալ գյուղի մոտ: Թե Ռեդամալը և թե Աթարբեկյան գյուղերը մտնում են ապագա քաղաքի հողամասի մեջ:

Առաջիկա ամիսներին գործարկվելու է ջերմա-
էլեկտրակայանի առաջին գեներատորը 50.000 կիլո-
վատ կարողությամբ: Մյուս գեներատորը մույն կա-
րողությամբ կգործարկվի եկող տարի, իսկ ճետագա-
յում գործարկվելու են 2 ուրիշ գեներատորներ՝ յու-
րաքանչյուրը 100.000 կիլովատ կարողությամբ: Այս-
պիսով Հրազդանի ջերմաէլեկտրակայանը կունենա
300.000 կիլովատ կարողություն:

Միայն Երևանի և Հրազդանի ջերմաէլեկտրակա-
յանները կտան 800.000 կիլովատ էլեկտրաէներգիա:
Դա երկու անգամ ավելի է, քան Սևանի կասկադի
բոլոր վեց ջրային էլեկտրակայանների կարողությու-
նը միասին վերցրած:

Նոր ջրամբար Արթիկի շրջանում.— Մամթաշի խո-
շոր ջրամբարից բացի, Արթիկի շրջանում, Հոռոմ
գյուղի մոտ կառուցվում է մի նոր ջրամբար: Կա-
ռուցման աշխատանքները սկսվել են այս տարվա
մարտին և մեծ թափով առաջ են տարվում: Ծինա-
րարները հինգ ամսում կատարել են ավելի քան
300000 խոր, մետր հողային աշխատանքներ և գե-

տակի առաջ փակույ մոդալատները բուրձրացրել են
ինը մետրով:

Հոռոմի ջրամբարը ոռոգելու է 1400 հեկտար
անջրդի հողեր, որոնք պատկանում են Արթիկի շրջա-
նի կոլտնտեսություններին: Ջրամբարի մակերեսը
հավասար կլինի ութ հարյուր հեկտարի և տարեկան
կամբարի մոտ չորս միլիոն խոր. մետր ջուր: Նախա-
տեսվում է ջրամբարի ավերին կառուցել հանգստյան
տներ և տնկել ծառեր:

Աթաբեկ խնկոյանի հուշարձանը.—Ապիտակի շրջա-
նի խնկոյան գյուղում տեղի ունեցավ հայտնի առա-
կագիր և մանկական գրող Աթաբեկ խնկոյանի
(խնկո Ապեր) հուշարձանի հանդիսավոր բացումը:
Արձանը քանդակվել է արվեստի վաստակավոր գոր-
ծիչ Ա. Ահարոնյանը:

Բացմանը ներկա էր հոծ բազմություն, ինչպես
խնկոյան, այնպես էլ մոտակա գյուղերից: Ա. խնկո-
յանի կյանքի և գրական գործունեության մասին
խոսեց գյուղի կոլտնտեսության նախագահ Հ. Հով-
հաննիսյանը: Ողջույնի խոսք ասացին քանաստեղծ
Հ. Ծիրազը, գրող Սևրո խանգստյանը և ուրիշներ:

